

KERATAN AKHBAR

TARIKH : 7 DISEMBER 2022
AKHBAR : SINAR HARIAN
MUKA SURAT : 30

Kementerian Ekonomi fokus kukuhkan hasil negara

Beberapa badan
kementerian turut
diminta kemuka
perancangan
pelbagaikan sumber

Kementerian Ekonomi fokus kukuhkan hasil negara

PUTRAJAYA



RAFIZI

Kementerian Ekonomi akan bekerjasama rapat dengan kementerian lain untuk menyediakan senario dan perancangan bagi memastikan Malaysia meraih pendapatan yang lebih kukuh.

Menterinya, Mohd Rafizi Ramli berkata, isu-isu ekonomi berstruktur yang kini merupakan fokus utama bagi Kerajaan Perpaduan perlu ditangani dengan pendekatan lebih kreatif dan inovasi terutamanya memandangkan cabaran yang dihadapi negara sekarang.

"Malaysia tidak boleh terlalu bergantung kepada hasil yang berasaskan kepada sumber semula jadi atau komoditi.

"Saya yakin ia adalah perkara yang akan menjadi fokus untuk memastikan hasil kita lebih kukuh," katanya kepada pemberita selepas persidangan permulaan kajian semula separuh penggal Rancangan Malaysia ke-12 (RMK12) di sini pada Selasa.

Mohd Rafizi berkata, beliau berharap dapat melihat pen-



Kerajaan perlu mempelbagaikan pencucuaian agar hasil negara lebih kukuh dan kurang bergantung kepada industri tertentu.

dekatan daripada pelbagai sudut untuk mengukuhkan hasil negara.

Menurutnya, pencucuaian bukan satu-satunya sudut yang perlu diberi tumpuan bagi tempoh jangka panjang.

"Kita mahu mempelbagaikan pencucuaian kita agar ia menjadi lebih kukuh dan ku-

rang bergantung kepada industri tertentu.

"Bagaimanapun, proses itu tidak boleh diputuskan atau dilakukan secara mengejut dalam masa beberapa bulan. Ia akan mengambil sedikit masa, tetapi tugas kami (kementerian) adalah untuk memastikan kami menyediakan perancangan

yang mencukupi untuk dipertimbangkan oleh kabinet," katanya.

Apabila ditanya sama ada Bajet 2023 akan lebih kecil atau besar berbanding yang diumumkan kerajaan sebelumnya, beliau berkata, ia perlu dijawab Datuk Seri Anwar Ibrahim selaku Menteri Kewangan.

Mohd Rafizi berkata, kerajaan berusaha untuk membenarkan belanjawan persekutuan yang mampan dan dijadual akan dibentangkan pada tahun depan.

Kementerian Ekonomi akan bekerjasama rapat dengan Kementerian Kewangan berhubung perkara ini yang merupakan satu daripada tugas paling penting bagi kerajaan baharu itu, katanya.

"Kami akan sangat sibuk dengan perkara ini dalam tempoh sebulan dua ini," kata Mohd Rafizi, sambil menambah kementerannya menumpukan kepada perancangan jangka panjang. - *Bernama*